

lichung ihn aber ein früher Tod leider verhinderte. Die Urkunde stammt aus dem Jahre 1149 und hat folgenden Wortlaut:

In nomine sancte et individue trinitatis.

Nos Treverenses omnibus in Christo pie degentibus cunctisque quocunque thelonii genere obligatis tam posteris nostris quam nobis per hoc providentes innotescimus, quo iure ius nostri thelonii a nostris antecessoribus ad nos delatum fuerit qualiterque hoc Daniel theolenarius cum suis non bene conductis fautoribus molitus est infringere simulque nos ad aliud ius volens statuere et quomodo hoc opitulante dei gratia nostrorumque amicorum favore in presentia Arnoldi Coloniensis archiepiscopi aliorumque sibi assistentium obtinuerimus, hec est summa et ius nostri thelonii, quod, quando cum navibus vinum portantibus sanctam attingimus Coloniam theolenario, quicunque preest thelonio urnam vini ac quatuor denarios si inquam(?) ibi vendiderimus persolvere debemus. Si vero mel navibus, ut dictum est, apportaverimus, urnam eiusdem nectaris quatuorque denarios ad thelonium persolvemus. Si autem sine utroque videlicet mellis vinique liquore navigio ut praetaxatum est, sanctam Coloniam pervenerimus, nostra nave quocunque mercimonio honerata, remeantes non plus quam VI denarios persolvimus. Praeterea si praedictam civitatem vel descendendo vel ascendendo quomodocumque transierimus necessitate cogente aliquid circa XXX solidos sine thelonio poterimus vendere. Hoc quoque cunctos scire volumus, quod, si saumam unam hic Colonie pretio nostro comparatam per portam eundo ducimus, nil plus quam quatuor denarios persolvimus. Quatuor quoque de plaustro atque duos de carruca iure nostro exigente theolenario debemus persolvere. De sarcina, felle, corrigiis post dorsum cuiusque nostrum ad nostra remeantium ligata non nisi duos persolvemus nummos. Verumtamen hoc praecipue volumus cunctis innotescere, quod undecumque vel quocumque locorum venimus, non alio iure in reddendo thelonio obligati sumus quam supra dictum est. Hoc quod supra scriptum est, testimonio veridicorum virorum confirmatum est ante iudicem Archiepiscopi Arnoldi in audientia theolenarii Danielis¹ mutare [c]onantis. Hi septem quorum nomina subtexuntur videlicet Bavis, Lodewich, Antonius, Wolfram, Hunolt, Burchart, Werimbrech sunt, qui, septiformi specie sacra-

1) Ungefähr 14 Buchstaben sind zerstört.